



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm || Ianvarii Et Febrvarii

Surius, Laurentius

Coloniae Agrippinae, 1576-

VD16 S 10258

De S. Rigoberto archiepiscopo Rhemensi.

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

DE S. RIGOBERTO RHEMORVM ARCHIEPISCOPO. III
rigiam ligaminis trahentium in manu tenens, cum auxilio omnipotentis Domini, &
obtentu beati Pontificis, liberatus est.

Admirabile autem est & illud miraculum, qualiter beatum corpus eius, cùm post
multa tempora transferretur, apparuit gloriosum. Cùm enim beatus Pontifex in an-
gulo básilicæ fuisset sepultus, & parvus fuisse locus ille, nec eò populi sic posse ac-
cedere, vt deuotio postulabat, sanctus Tetricus filius & successor eius hæc cernens, &
virtutes ibidem assidue operari propiciens, ante altare básilicæ fundamenta iacit, ete-
ctamque absidem miro opere construit, & transuoluit. Ea verò transuoluta, disru-
proque pariete, arcum ædificat. Quod opus cùm esset perfectum atque exornatum,
postquam in media abside loculum fudit, quod corpus beati Patris transferre volebat,
conuocat Presbyteros & Abbates ad illud officium. Qui vigilantes orabant, vt se bea-
tus confessor ad hanc sibi préparatam habitationem transferri permetteret. Manè au-
tem factò, cum choris psallentium appræhensum sarcophagum, ante altare in absi-
dem, quam beatus Episcopus ædificauerat, transtulerunt. Quod sepulcrum dum dili-
genter componunt, subito, & vt credo, ad Dei iussum, opettorum sarcophagi motum
est in una parte, & ecce apparuit beata facies eius ita integræ & illæsa, vt putares eum
non mortuum esse, sed dormientem. Sed nec de ipso vestimento, quod cum eo positum Item vestis.
fuit, aliquid ostensum est diminutum. Vnde non immerito apparuit gloriosus post
transitum, cuius caro non fuit corrupta ludibrio. Magna est enim corporis & cordis
integritas, quæ & in praesenti seculo præstat gratiam, & in futuro vitam largitur æter-
nam. De qua Paulus Apostolus ait: Pacem sequimini & sanctificationem, sine qua ne- Heb. 12.
mo videbit regnum Dei.

Puella quædam die Dominico dum suum caput componeret, peccati apprehensus
manibus eius, credo ob iniuriam diei sanctæ, adhaesit ita, vt affixi dentes tam in digitis,
quam in palmis magnum ei dolorem inferrent. Quæ cùm basilicas sanctorum flens Vide quo-
atque obsecrans circuiret, ad sepulcrum beati Gregorij antistitis, in eius virtute confi-
sa, prosternitur. Cumque diutissime beati confessoris præsidium flagitasset, directa ma-
nus eius ad opus pristinum, peccato decidente, reducitur. Sed & energumeni cum con-
fitentes, ad eius sepulcrum sæpè purgantur. Nam plerunque vidimus post eius transi-
tum, virgula, cuius suprà meminimus, quam manu gerebat, per parietes ita eos affixos,
vt putares illos validis atque acutissimis sudibus retineri. Multa quidem de eodem gesta
cognouimus: sed nè fasidium incitarent, de pluribus pauca perstrinximus. Obiit au-
tem tricesimi tertio Episcopatus sui anno, ætate nonagenaria: qui se virtutibus ma-
nifestis sæpius declarauit.

DE S. QVINTINI INVENTIONE, QVAE HAC DIE CELE-
bratur, videat Lector Tom. 6. die 1. Decembri Histor. S. Eligij
Episcopi lib. 1. cap. 6.

VITA S. RIGOBERTI, RHEMORVM ARCHI-
EPISCOPI, PER F. LAVENTIVM SVRIVM EX MANV-
scriptis codicibus, mutato stylo, paraphrasticis descripta.

Emporibus Childeberti, Dagoberti & Chilperici regum 4. IANVIA.
Francia, extitit vir Dei Rigobertus, quem quidam Rober- Paulus
tum vocant. Traxit ille originem ex spectabili prosapia in Aemyl.
regione, quam Ribiariorum vocant, patre Constantino, his. Frans.
matre è Francorum gente: porrò à primis ætatis initijs to- cælibus
tum se cælestibus mancipauit studijs & disciplinis, castitati
deditus, vigilijs & orationi intentus, sermone verax, chari-
tate feruidus, abstinentia studiosus, humanitate conspicu-
us, sapientia illustris, iustitia tenax, consilio prudēs, omniq;
morum honestate venerabilis. Vnde factum est, vt ijs virtu- Episcopus
tum ornamentis instructus, breui ad perfectionis apicem
pertingeret, & ut erat diuinis præordinatum, Pontificis dignitate afficeretur. Factus autem Episcopus
episcopus, diuina ipsum adiuuante gratia, talis ac tantus illico apparuit, vt & bo- factus, vt
nis

**se gesse-
rit.** nis charus, & improbis formidabilis esset. Optabant boni eius salutaribus admonitionibus & institui, & parere: at mali verbantur, ne ab ipso deprehensi castigarentur. Itaque, quod de beato Remigio quoquè legitur, erga benè agentes, Petri vultum præ se ferebat: erga delinquentes, Pauli in spiritu severitatem: illius clementiam & lenitatem, huius in puniendis criminibus zelum imitans. Bonis, si caderent, minabatur poena: Lapsis, ne desperarent, cuperentque ad meliorem frugem se recipere, veniam promittebat: Quosdam sanè assiduis adhortationibus & prædicationibus suis ad emendationem suï pertraxit: plerosque grauitate & integritate multiplicis doctrinæ, desiderio sanctæ & religiosæ vita inflammauit: nonnullis suo exemplo consuluit, aliquam multos suarum gregibus ouium adiunxit, aliquot etiam educauit: omnibus omnia factus est, ut omnes lucrificaret.

**Instituit
Canonicos.** Successit in pontificatu Reolo, magnarum virtutum viro, &, ut quidam aiunt, ipsi sanguine coniunctissimo. Cum autem incertum habeatur, quot annis illo obœunte sedes Rhemensis antistite vacua fuerit, pleraque præcedentium Patrum studio & vigore instituta, iam collapsa visabantur, quæ sua industria vir sanctus in pristinum restituit statum. Nam canonica clericos religione contineri voluit, & pro numero illorum, qui tunc erant, ad viatum pertinentia eis suppeditauit, ut diuino cultui & liberius & instantius vacare possent. Ante enim illius pontificatum non dabatur eis panis, ut vocant, canonicus: nec erant, ut sunt hodiè, canonici: quineriam loca quædam cum illorum habitatoribus eis contulit, qui illorum vībus necessarijs perpetuo inseruirent. Et ipse quidem primus inter Rhemorum episcopos fertur eum commune eis instituisse æratum, quod generatim omnibus eorum vībus perenniter applicaretur: quæ verò huc contulerit, nihil opus est hic commemorare: potest autem facile eins prudentia & benignitas animaduerti in distribuendis his rebus suis, inter alia quæ possedit, dum pauperes Christi facultatum suarum heredes instituit, qui non habent unde possint retribuere: retribueretur autem ei in resurrectione iustorum.

**Pipini in S.
Rigoberti
liberalitas.** Quodam tempore vir sanctus de Culmisaco villa episcopatus sui veniens, adiit Pipinum Maiorem domum, quem plerique Magistrum equitum vocant, patrem Caroli Martelli, præmissis quibusdam eulogis ad illum àvenatione redeuntem: quas quidem crebro illi mittere consueuerat. Morabatur tum Pipinus in pagi cuiusdam loco, cuius vocabulum est Gremaca cortis: vbi id temporis non villa erat, ut est hodiè, sed sylva grandis, & fons, ad quem apri frequentes aduentabant, qui hodie illic permanet. Ceperat tunc Pipinus eo loci feram quandam, quam ibidem assari voluit, tanquam illic pransurus. Interēa verò oblatam ipsi episcopi Rigoberti benedictionem gratissimo accepit animo, dicens clientibus suis: Quid faciemus huic episcopo, qui nobis gratia carinon desinit? Illis tacentibus, Pipinus ad sanctum conuersus Rigobertum, his eum verbis liberaliter compellauit: Pete à me quicquid volueris, nec voto frustraberis tuo. Cui sanctus Rigobertus: Da mihi, inquit, exiguam hanc mansiunculam, & sufficit mihi. Tum ille, Et hanc tibi do, & quātum in eius circuitu tibi vendicare voles. Itaque sicut olim Clodoueus rex beato Remigio, ita ille quoquè sancto Rigoberto tantum largitus est agri, quantum posset ambulando circumire, dum ipse meridie dormiret. Porro sanctus pontifex per apertos eius loci fines obambulans, pasim certos fixit limites, ut si qua lis oriretur, ijs eam dirimeret: omnibusque peragratiss, quæ sibi dari mallet, mox ad Pipinum à somno surgentem redijt: & ab illo quicquid circumierat locorum, impe trauit. Ferunt autem quācunque tum vir sanctus in circuitu ingressus est, ibi & aestate & hyeme vernantore terram conspicere, quam in locis ceteris illi adiacentibus. Additur etiam aliud sanè stupendum miraculum, quod etiam hucusquè illic cerni affirmant, ijsdem in locis postquam eius dominio cesserunt, nullam vñquam sequisse tēpestatem, nec grandinem illic decidisse, neque fines illorum attingere: quod non immerito sancti viri meritis attribuitur. Neque putandum est, sanctum pontificem, praua cupiditate ductum has res petuisse, sed consulere voluisse ecclesiæ, quam earum heredem instituit: sed & alias quasdam ecclesiæ illarum voluit esse participes.

Erat ille vir sanctus ita externis occupationibus & negotijs intentus, ut tamen nihil de studijs internis remitteret: sicque exercitijs internis deditus, ut tamen rebus externis adhibendam curam & prouidentiam non omittaret: ne aut totus ab intimis excideret, si sola externa curanda suscepisset: nec proximis impendenda officia negleggeret,

DE S. RIGOBERTO RHEMORVM ARCHIEPISCOPO. 113

geret, si solis esset internis exercitijs addictus. Conabatur in omnibus prudentem se exhibere dispensatorem pariter & fidelem, sciens se constitutum à Domino super familiam illius, vt daret illis in tempore tritici mensuram. Longè verò semper ab illo absuit illud Apostolicum: Qui suorum, & maximè domesticorum, curam non habet, fidem ne-^{1. Tim. 5.} gavit, & est infideli deterior. Poterat autem dicere cum eodem Apostolo: Quis infir-^{2. Cor. 11.} matur, & ego non infirmor? quis scandalizatur, & ego non vror? Itemque illud: Gau-^{Roma. 12.} dere cum gaudentibus, flere cum flentibus. Eratq; illi vivere Christus, & mori lucrum; Phil. 1.
& quia solo corpore in terris degens, spe iam in cælestibus versabatur, non iniuria illud sibi usurpare poterat eiusdem Apostoli: Nostra autem conuersatio in celis est: quippe Philip. 3.
qui in illorum numero computabatur, quibus dictum est, Vos estis lux mundi: & Non Matth. 5.
potest ciuitas abscondi supra montem posita: neque accendent lucernam, & ponunt
eam sub modio, sed super candelabrum, vt luceat omnibus, qui in domo sunt.

Amabat illum atque colebat haud vulgariter Pipinus, cuius suprà meminimus, mi-
sitque ad eum Carolum filium suum, vt ab illo baptizetur. Carolus hic ob feros ani-
mos, & quod ab ineunte ætate vir strenuus in armis & robusto corpore fuerit, Martellus
est appellatus. Abluit autem illum vir sanctus vndis salutaribus, & è sacro fonte illum to baptiza-
suscepit, vt eius pater petierat: sed cum ille postea patri decedenti in principatu succe-
tur. deret, sanctu antiſitem è sua sede impie & iniuste expulit, vt paulo infrà dicemus. Por-
rò vir sanctus ecclesiam ipsius curæ commissam, ita vt cœperat, vigilantissimè & stre-
nuissimè administrabat, ascendens ex aduerso, & opponens se murum pro domo Istra-
el, vt staret in prælio in die Domini. Nam quibuslibet potestatis prævagantibus (sic
enim locum hunc Ezechielis prophetæ exponit sanctus Papa Gregorius) rationis libe-
ra voce contraibat, & fideles innocentes contra peruersorum iniustitiæ ex iustitiae au-
thoritate vindicabat. Itaque quadrabat in illum vel maximè illud sancti Job: Auris
audiens beatificabat me, & oculus videns testimonium reddebat mihi, eò quod libe-
râsem pauperem vociferantem, & inopem cui non esset adiutor. Iustitia induitus sum,
& vestiui me, sicut vestimento & diademate, iudicio meo. Conterebam molas iniqui, &
de dentibus illius auferbam prædam. Nec dubium, quin sicut pastor bonus libenter
positurus fuerit animam suam pro ouibus suis, si persecutor adfuerit, cuius crudelitas
id exigeret.

Interea verò dum ille sic pijs esset operibus intentus, suoq; clero & populo in omni-
bus tanquam Pater filij solicite consuleret, atque ea causa in Rhemensi urbe demora-
retur, post obitum Pipini inter Carolum eius filium, atque Ramanfredum non leuis si-
multas de obtinendo principatu, sive Magisterio equitum, exorta est. Accidit tum, vt
Carolus Rhemorum urbem præteriens, totam, vt aiunt, circumiret, donèc ad eam per-
uenit portam, in qua sanctus Rigobertus congruis extrusis ædibus degebatur: quem
sanè huiusmodi compellauit vocibus: Domine Rigoberte, iube portam ciuitatis ape-
ri, vt liceat mihi ire precatum ad sanctam Mariam. Sed cum sanctus episcopus nullum
ei vociferanti redderet responsum, quippe orationi intentus, cui perpetuo vacabat,
fertur tertio eisdem vsus vocibus: ita vt tandem vir Dei eius valido clamore compul-
sus, sic eiresponderit: Porta hæc tibi non aperietur, donèc certò constet, utri vestrum
cessura sit victoria. Tu enim & Ramanfredus inter vos de dignitate contenditis, nec
adhuc scire licet, quem sit res exitum habitura. Quod si Dominus te voluerit victorem
euadere, reuertenti tibi libens portam reserabo, fidelemq; me exhibebo. His auditis,
Carolus furibundus iuramento affirmauit, si victor rediret, non impunè id latum episcopum.
At vir Dei eius minas non valde pertimescens, (Iustus enim quasi leo confi-
dens, absque terrore erit) portam ei noluit patefacere. Facile enim, ytpotè vir pru-
dens, animaduertit, non orandi studio illum velle ingredi, quod simulabat, sed vaſtan-
di potius animo, quemadmodum alias iam urbes deuastarat: tum etiam verebatur, si
hunc intrò admisisset, Ramanfredum, si ad eum victoria inclinasset, ipsum infidelitatis
incusaturum.

Hæc autem porta à plerisque Collaticia, ab alijs hodieque Basilicaris vocatur, ibique
portarum cæterarum totius urbis claves apud se reconditas seruabat. Basilicaris verò
idcirco dicta putatur, sive quod in eius circuitu plures, quam apud portas alias, feran-
tur olim fuisse basilicæ: sive quod euntibus ad basilicas, quæ in sancti Remigij vico ha-
bentur, semper fuerit peruvia. Iusserat autem sanctus Rigobertus in pinnaculo templi

K 3 sancti

sanc*ti* Petri, quod erat propinquum eius e*dibus*, ostium fieri, per quod in illud templum, adiun*cit* illi gradibus, descendere solebat ad orandum: atque inde reuertens, per idem ostium ingrediebatur in oratorium, quod iuxta domum su*am* extruxerat supra murum ciuitatis, dicaueratq*e*; sancto Micha*eli* archangelo: quod quidem tempore non exiguo permanis*t*, & freques ad illud populus confluuebat, in ipsa pr*ae*sertim beatissimi archangeli solennitate: don*ec* Ludouicus Imperator sancti Petri monasterium donau*it* filia*m* sua Alpaid*a*, quod quidem propter loci situm vocatur inferius: sicut alterum illi vicinum, candem ob causam dicitur superiorius. Huius autem foemini maritus, nomine Bego, hoc oratorium iussit dirui, quod suo fastigio iam dicti templi fenestra caliginem offunderet: vel potius, quod ad eius ostio lumen grauiter caput allis*set*, cum esset procer*o* corpore, nec caput submiss*o* regrediens per ostiolum. Inde autem abiens, ita locutus est ad suos: Cauete, n*on* hu*e* reuertens, istud h*ic* inueniam: alioqui certe poenas luetis. Ut autem c*oe*ptum est destrui, ille mox arreptus est a d*amone*, cum tamen proc*ul* abesset in pago, qui Begonis villa dicitur. Feruntur etiam horribiles tenebrae Rhe*m*is extitisse per triduum, illo in loco, ubi destruebatur. Verum his obit*er* commemora*t*, ad institutum reuertor.

Carolus duodecimo Calendas Augusti, qui tunc Dominicus erat dies, summo mane confixit cum Chilperico rege, & Ramanfredo, quem Chilpericus Maiorem dominus, vel Magistrum equitum creauerat: & pro voto victoria potitus, mox ut reuersus S. Rigoberti est, è sede sua exturbauit pontificem Rigobertum, & quidem iniustissime, ut erat illi antis ^{è sua se-} te*ca* ministratus: neque id tamen adeo mirum, cum etiam alijs similiter fecerit: porr*o* in depulorum locum sua rum partium studiosos intrusit. De hoc Carolo, quem non iniuria tyrannum dixeris, annotatum est in Annalibus diuersorum regum, quod primus ipse episcopatus regni Francorum c*otulerit* laicis hominibus & comitibus. Senxit eum fan*e* infestum sibi sanctus pontifex Rigobertus ad supremum usque vit*e* eius die*m*, cum illi debuisset esse fidelissimus, quippe è baptismo fonte ab illo suscep*tu*s. Pertulit hoc vir sanctus exemplo Domini sui, qui à proprio discipulo imp*iu*is traditus est. Praclarè autem dictum est à sancto Gregorio pontifice: Omnes ele*cti* quia summi capit*is* membra in Euangeli*a* sunt, caput quoque suum in passionibus sequuntur, & ipsos aduersarios in morte sua sentiunt, de quorum vita pr*afsumebant*: ut tanto illis crescat merces operis, quanto eis virtutis lucrum proficit ex aliena damno charitatis. Verum, ut scriptura dicit, qui redit mala pro bonis, non recedet malum de domo eius.

Quod Carolus hunc virum Dei crudeliter è sua sede eiecit, & res ecclesiatarum usurpauit, iusto Deus iudicio in illius caput reddidit, quemadmodum antiquorum veridica traditione constat. Sanctus enim Eucherius Aurelian*e* episcopus, quem etiam sua di*ctiā* Paulus Aemylius Lib*o*. 2. de rebus gestis Francorū. Habet h*ac* gnitate priu*ar*at, quiq*ue* in S. Trudonis cœnobio quieuit, cum esset orationi intentus, raptus in spiritu, inter cetera, quæ illi diuinitus ostensa sunt, vidit hunc Carolum apud inferos damnatum. Cumque ab angelo ductore suo percontaretur eius rei causam, dictum est illi, quod propter res sanctis ereptas & ablatas, ante extremum iudicij diem iam corpore & anima adductus sit supplicijs eternis. Itaque ad se reuersus S. Eucherius, sanctum Bonifacium & Fulradum Abbatem S. Dionysij, summum regis Pipini capellum, ad se vocauit, eisque hec exponens, pro comperienda certius veritatem iussit eos adire Caroli sepulcrum, & si illic cadaver eius non inuenirent, de visionis certitudine nihil ambigarent. Abeunt illi, apertoque monumento, vident subito prodire ind*ire* conem: porr*o* monumentum totum intrinsecus denigratum, perinde ac si exustum foret. Sed de his sat*is*.

Epist. Adri*an*i p*ap*g ad Turpinum nihil mutato stylo. Meminit verò huius beati antistitis etiam Adrianus Pontifex Romanus in epistola, quam scripsit Turpino eius successor*i*, in qua san*e* multum conqueri videtur de iniuria illi illata: ita enim scribit: Tua fraternitas nobis retulit, quia faciente discordia inter Francos, archiepiscopus Rhemensis, Rigobertus nomine, à sede contra canones deiectus & expulsi fuit sine vlo crimin*e*, & sine vlo episcoporum iudicio, & sine vlo Apostolica*ce* sedis consensu vel interrogatione, sed solummodo quod ante*ea* non consensit in partem illius, qui postea partem de illo regno in sua potestate accepit, in qua parte est Rhemensis ciuitas: & donatus atque magis usurpatus contra Deum & eius autoritatem fuerit ille episcopatus simul cum alio episcopatu*m*, & alijs ecclesijs, & secularibus potestatibus, Miloni cui*da*, sola tonsura clericu*m*, nil sapi*ti* de ordine Ecclesiastico:

DE S. RIGOBERTO RHEMORVM ARCHIEPISCOPO.

115
Locus hic
obscur⁹ est.

siastico: & alij episcopatus de ipsa Rhemensi diœcesi, diuerso modo erant diuisi: & aliqui ex magna parte in episcopio consistentes, ad alios episcopos & metropolitanos episcopi & clerici ordinationes aliquando accipientes erant, & refugia indebita habebant, & à suis episcopis iudicari & distingi non sustinebant: & clerici, & sacerdotes, & monachi, & sanctimoniales sine lege Ecclesiastica pro voluntate & licentia vivebant.

Porrò sanctus Rigobertus non immemor illius Dominici præcepti, Sivos persecuti fuerint in ista ciuitate, fugite in aliam: secessit in Vasconiam, ibique exilium patienterferens, multas indefessus sanctorum memorias inuisebat. Inuenit autem illum ibi is, cuius mentio paulò antè facta est, Milo Abbas, qui ex Caroli largitione Rhemensem obtinebat episcopatum, dixitq; illi: Quid h̄c agis? Reuertere in Fraciā, vbi si mihi derides res proprias, quas illic habes, efficiam apud principem, vt tuum tibi restituat episcopatum. Cui vir Dei: Si, inquit, dicta factis eris executus, faciam quod petis: atque ita vir sanctus rediit in Fraciā, & in chorte Gremaca, quę illius erat peculiaris possessio, degebat. Adiūt autem illum Milo, dixitq; ei: Trade mihi res, quas pollicitus es, obtinui nanq; apud principem, vt restituaris sedi tua. At sanctus pontifex: Quas res, inquit, donauis ecclesię Christi, eas non possum illi tollere, & alteri donare.

Cui Milo furibundus respondit: Quandoquidem me fecelliisti, non obtinebis sedem tuam. Mox verò episcopus ita illi ait: De rebus diœcessis fac quod tibi visum est: tātūm quāso, vt sancte Marię altare mihi impetres. Morabatur igitur vir sancte in chorte Gremaca diū fatis, in parcitate, humilitate, vigiliis, orationibus, eleemosynis, ceterisque operibus bonis vitam transfigens: crebroque ciuitatem Rhemensem ingrediens, in ara beatissime Marię virginis, vt optarāt, Missam celebravit: atq; indē reuertens, ibat orationis causa ad S. Mauricium, post ad S. Theodoricum, subinde ad beatum Cyriacum in villa Culmisaco, atq; postremò ad Gremacam chortem se recipiebat. Cumque id pro more faceret, cōtigit die quodam, vt ad sanctum Cyriacum veniret, pro se suaque Ecclesia, vt consueuerat, precaturus. Finita autem oratione, locutus est cum Vicedomino, qui illic aderat: à quo mox suppliciter inuitatus ad prandium, non assensit, dicens in basilica S. Petri Missā sacram sibi adhuc esse peragendum. Sub his autem colloquijs quedam inops vidua atrullit illi Vicedomino anserem.

At ille respiciens in sanctum episcopum: Quando, inquit, non vis nobiscum prandere, saltem anserē hunc, oro, vt puer tuus secum ferat: & domum reuersus, illum tibi iubeas edendum præparari. Accepit igitur puer anserem, & aliquandiū gestauit, sed interīm subiit ex eius euolauit manibus. Ea res puerum valde affixit, sed moerentem blandē consolans Episcopus, admonuit ob rerum temporalium iacturam non debere hominem Christianum lugere, sed spem suam reponere in Deo, qui dat omnibus affluentem. His diūtis, in silentio, vt erat solitus, hymnos Davidicos promebat. In itinere enim positus, semper aut conferre aliquid, aut cantare de Deo solebat. Itaque post trium horarum spatia anser sponte rediit: sed eum vir magnæ simplicitatis & pietatis non passus est occidi, quandiu viuere potuit. Exegit aurem sanctus episcopus illo in loco annos non paucos, apostolicis clarus actionibus, multisq; pollens virtutibus: atq; tandem consummata strenuè huius vite militia, plenus dierum migravit ad patriam claritatis & ternè pridiè Nonas Ianuarij, anno Dominicæ incarnationis plus minūs sextingentesimo septuagesimotertio, Indictione octaua, estq; honorificè sepulturę mandatus à sacerdotibus & ceteris in ecclesia sancti Petri apostoli, quam ipse à fundamentis extruxerat, cōditusq; est iuxta altare à parte illius dextra. Claruit autē post obitum multis miraculis in testimonium eximiæ sanctitatis, sed hominum incuria non sunt litteris mandata. Erat apud eius loci presbyterum puer quidam scholasticus, qui irreuerteret & dissoluebat super tumulum eius subsiliens, mox acri pedis dolore cruciari cœperit, ac si spinę aculeis atrociter pungeretur. Itaque claudus effectus, illo pede nusquam postea ingredi potuit. Quo viso, presbyter & eius loci indigena cancellos ibi apposuerunt, nē quis temerè accedens, similia pateretur.

In illa autem basilica nocturnis horis tantę suavitatis voces səpiùs sunt auditæ, vt non nisi angelicæ putarētur. Lux quoq; medijs noctibus tanta claritatis illic emicuit, vt solis splendorem viceret: quę etiam immenso iubare suo sacerdotis cuiusdam, qui etiamnū illic degit, domiciliū basilicę muro in hęrēs, adeò penetravit, vt in-

Matth. 10.

Moratur S.
Rigobertus
in chorte
Gremaca.Sententia
memora-

S. Rigober-

tur.

Miracula
post obitū
eius.

Eius translatio. gens timor ac tremor illū occuparet. Porrò Hincmarus, qui ab illo quintus fuit R̄hemorum ep̄iscopus, decimoctauo Calendas Iulij transtulit sacras eius reliquias ad monasterium S. Theodorici, ubi multa sunt patrata miracula, quæ studio breuitatis præterimus. Per illum sanè quicquid cum fide & religioso animi affectu petitur, obtinetur, præstante Domino nostro Iesu Christo, qui viuit & regnat in secula seculorum.

VITA BEATAE APOLLINARIS VIRGINIS, AVTHORE SIMEONE METAPHRASTE.

IANVARII 5.

Eccē quo
modō etiā
antiquæ
moniales
regulas ha-
beant.

Peregrina-
tiones ad
loca sacra
religionis
ergo.

Adorāt be-
atam resur-
rectionē &
venerādām
crucem.



Mperante in primis pio Imperatore Anthemio, Imperatoris filio, qui habuit duas filias: ex quibus una habebat spiritum immundum, altera autem ab ineunte ætate vacabat ecclesijs, martyrijs, & orationibus. Erat verò eius nomen, Apollinaris. Cùm ea autē esset ætatis legitimæ, quærebant eius parentes eam marito coniungere, ea vero nolebat.

Dicit verò quodam die suis parentibus: Cupio ire in monasterium, & audire sanctas scripturas, & videre regulam monasticam. Ei autem dicunt parentes: Volumus te marito coniungere. Ea vero dicit eis: Nolo coniungi marito, sed spero fore, ut quomodo Deus sanctas suas virgines custodiat impollutam. Nouum autem & admirabile videbatur parentibus, quod cùm esset id ætatis, talia diceret, Deum desiderans. Rursus eos rogabat, ut vnam adducerent monacham, ut eam doceret psalterium & legere.

Imperator autem non parua affectus est molestia, quod eam vellet iungere matrimonio. Cùm ea autem perlisteret, & arrhas nollet accipere, ei dicunt eius parentes: Quid vis filia? Ea verò dicit eis: Rogo vos, ut me ad Deum adducatis, ut meæ virginitatis mercedem accipiatis. Illi autem cùm vidissent eius mētem esse adeò firmam & imobilem, & à Deo adeò suissam amatam, dicunt ei: Speramus, filia, fore ut fiat Dei voluntas. Paucis verò post diebus adduxerunt ad eam monachas, quæ eā docuerunt psalterium & legere scripturas.

Quodam autem die cùm eterque confidérent, ea dicit parentibus: Rogo vos, ut me dimittatis in loca sancta, ut orem & adorem sanctam resurrectionem & crucem venerabilem. Illi verò non habebant propositum dimittendi eam, quoniam eam magis amabant, quam sororem eius, quæ vexabatur. Cùm autē interie cito aliquo spatio temporis, ea eis esset molesta, iussit Imperator, ut ad eam deferrētur pueri & ancillæ, & aurum & argentum, & ei dicunt: Accipe filia, & recede: imple votum tuum. Deus enim vult te suam esse seruam: eaque in nauem imposita, his pueris consequentibus, dixerunt ei: Filia, memento nostrī in sanctis locis. Ea verò dicit: Quomodo mihi satisfecisti, vos quoquè in die malo liberabit Dominus. & parentibus valere iussis, coepit nauigare.

Cùm autem paucis diebus peruenissent Ascalonem, paucos dies illuc manserunt propter maris iactationem. Ipsa verò orans in omnibus ecclesijs & monasterijs, eis quoquè exhibebat, quæ erant necessaria. Aliquot autem post diebus, cùm inuenissemus comites, venimus in sanctam ciuitatem. Cumque in quandam locum diuertissemus propter nostras sarcinas, puerosque & ancillas, qui vna erant, paululum requieuiimus. Eis autem dixit beata Apollinaris: Agite, adoremus beatam resurrectionem & venerandam crucem. Porrò autem eis orantibus, ea orabat pro suis parentibus. Cœrecti & pitique benefacere ijs, qui opus habebant. Ibant verò assidue ad monasteria virginum perennium, & ad eos, qui vitam agebant monasticam, & suppeditabat eis, quæ erant necessaria.

Quodam autem die dicit vni ex ijs, qui cum ea versabantur: Volo vos, si Deus velet, liberare. Hoc autem auditio, affecti sunt molestia. Illa iraque dixit eis: Ne sitis animo anxi. Si Deus enim quid compungit meam humilitatē, præbebo ad vos alendos. Cumque ij accepissent eius benedictionem, ei ingentes gratias agebant. Cùm verò recessissent, abiit cum ijs, qui ei remanserant, ad Iordanem: & illuc rursus præbuit ijs, qui